

Evening Dogri News Bulletin

इवनिंग डोगरी न्यूज़ बुलेटिन

27 July 2025 . 18:15 Hrs

Headlines

- प्रधानमंत्री नरेंद्र मोदी होरें अज्ज अपने “मन की बात” कार्यक्रम च आखेआ जे 21मीं सदी दे भारत च साइंस नमी उर्जा कन्नै अगगे बधा’रदी ऐ।
- अपने “मन की बात” कार्यक्रम च प्रधानमंत्री होरें आखेआ जे 2047 दे विकसित भारत दा रस्ता आत्मनिर्भरता थमां होइयै लंघदा ऐ। उनें लोकें गी भारत च गै बनी दी चीजें दा इस्तेमाल करने दी अपील कीती।
- भारत दी प्राचीन संस्कृति दे संरक्षण गी उजागर करदे होई प्रधानमंत्री होरें सरकार दे ज्ञान भारतम मिशन दी महत्ता पर बी लोहू पाई।
- गूगल दे सीनियर अफसरें दी इक टीम नै मुखमंत्री उमर अब्दुल्ला हुंदे कन्नै मलाटी लाइयै ए.आई राहें जम्मू-कश्मीर च डिजिटल बदलाव आहने च सहयोग देने दी पेशकश कीती।
- मुख सचिव अटल डुल्लू होरें जम्मू-कश्मीर च प्रधानमंत्री सूर्यघर मुफ्त बिजली योजना तैहत हासल प्रगति दा जायजा लैने लेई इक बैठक दी अध्यक्षता कीती।

<><><><><><>

PM-MKB

प्रधानमंत्री नरेंद्र मोदी होरें आखेआ जे 21मीं सदी दे भारत च साइंस नमी उर्जा कन्नै अगगे बदा करदी ऐ। अज्ज आकाशवाणी थमां “मन की बात” कार्यक्रम च उनें आखेआ जे अंतरिक्ष थमां भारती वायु सेना दे ग्रुप कैप्टन

शुभांशु शुक्ला दी सुरक्षित वापसी कन्नै देश मान कन्नै भरोची गोआ ऐ। उनें गलाया जे हुन बच्चें च विज्ञान ते अंतरिक्ष विज्ञानी बनी दी तांग रक्ख करदे ना।

.....

प्रधानमंत्री होरें आखेआ जे अगस्त दा म्हीना क्रांति दा म्हीना ऐ। उनें 18एं बरें दी बरेसू दे क्रांतिकारी खुदीराम बोस हुंदी दलेरी दी तरीफ कीती। श्री मोदी होरें आखेआ जे जिल्ले 11 अगस्त 1908 गी एह स्वतंत्रता सेनानी फांसी दे तख्ते बकखी बदा करदा हा ते औदे चेहरे पर मुस्कान ही पर मुजफ्फरपुर बिहार दे लोके दियें अक्खियें च अत्थरुं हे, जेडत्रे उसै जेल दे चबकखी किट्टे होए दे हें दुई बकखी नौजोआन देशभक्त अपना सर्वोच्च बलिदान देआ करदा हा।

.....

प्रधानमंत्री होरें आखेआ जे इस्सलै देसै च 3000 शा बद्द कपड़ा स्टार्ट अप कम्म करा करदे न जेडे भारत दी हथखड़ी पंछान गी समूलची दुनिया च बदाइयै नमियें उंचाइयें पर लेई जा करदे ना। श्री मोदी होरें गलाया जे 2047 दे विकसित भारत दा रस्ता आत्मनिर्भरता थमां होइयै लंगदा ऐ ते आत्मनिर्भरता दी नी उस्सलै गै मजबूत होग जिस्सलै अस उनें चीजें-बस्तें गी खरीदगे-बेचगे जिनेंगी बनाने च कुसै भारती दा परसीना निकले दा होए, दुए अक्षरें च उनें वोकल फॉर लोकल दी वकालत कीती।

.....

प्रधानमंत्री होरें तमिलनाडू दे तंजावुर दे मणि मारन दी मिसाल दिती जिनें तमिल पांडुलिपि पढ़ना सिक्खने ताई संज्ञा आहलियें कलासैं गी रम्भ कीता। मनि मारन नै लोके गी तमिल सुवादियियाल यानि ताड़ दे पलें पर लिखी पांडुलिपियां पढ़ने ते समझने दा तरीका सखाया। श्री मोदी होरें जोर देइयै आखेआ जेकर इये लेइयां कोश्टां समूलचे देसै च कीतियां जान ते प्राचीन ज्ञान नमी पीढी दी चेतना दा हिस्सा बनी जागं इये लेई कोश्टें थमां प्रेरित होइये सरकार नै इस बरे दे बजट च ज्ञान भारतम् मिशन नां दी इक ऐतिहासिक पहल रम्भ कीती ऐ।

.....

कार्यक्रम दे अखीरै च प्रधरनमंत्री होरें सौन म्हीने दियें फुहारें बश्कार औने आहले बक्ख-बक्ख ध्यारें दियां देशवासियें गी शुभकामना बी दित्तियां।

<><><><><><>

MKB-Announcement

आकाशवाणी जम्मू दा क्षेत्रीय समाचार एकांश प्रधानमंत्री हुंदे “मन की बात” कार्यक्रम दी 124मीं कड़ी पर 30 मिनटें दे इक्क टकोहदे चर्चा कार्यक्रम दा सरिस्ता करा करदा ऐ। एहू विशेष प्रसारण अज्ज रातीं साढ़े 10 बजे प्रसारित कीता जाग। चर्चा च स्हाढ़े परौहने होडन मन्ने-परमन्ने दे सीनियर पत्रकार प्रदीप दत्ता जेड़े प्रधानमंत्री हुंदे अज्ज प्रसारित होए दे “मन की बात” कार्यक्रम च पुट्टे गेदे विषें ते मुद्दें पर अपने बचार सांझे करडन। कार्यक्रम दी मेजबानी स्हाढ़े एंकर विजय बजाज होर करडन। इसै चाल्ली दे होर दुए जानकारी आहले प्रसारणें ताई आकाशवाणी समाचार जम्मू गी 990 किलोहर्ट्ज 100.3 एफ.एम ते 104.5 मैगाहर्ट्ज पर सुनदे रवो।

<><><><><><>

CM-Google

गूगल दे सीनियर अफसरें दी इक टीम नै मुखमंत्री उमर अब्दुल्ला हुंदे कन्नै मलाटी लाइयै A.I रायं जम्मू-कश्मीर च डिजिटल बदलाव लेयाने च सहयोग दी पेशकश कीती। टीम नै शिक्षा, सेहत, सैलसफा स्टार्टअप ते कौशल विकास क्षेत्रें च सहयोग देने च रूचि दस्सी। उनें नागरिक सेवां, टकोहदा करियै सेहत ते शिक्षा दे क्षेत्र च बदलाव लेयाने च आर्टिफिशल इंटेलीजेंस ए.आई दी क्षमता पर जोर पाया। उनें मकामी स्टार्टअप्स गी ए.आई प्लेटफार्म तगर पुज्ज उपलब्ध करोआने दा प्रस्ताव बी रक्खेआ जेदे कन्नै इलाके दे नौजवान नमें समाधान विकसित करी सकन ते जम्मू-कश्मीर अंदर ते बाहर इस्तेमाल ताई उन्नत तकनीकें कन्नै परिचित होई सकन।

<><><><><><>

Travel-Ratna Award

मुखमंत्री उमर अब्दुल्ला हुंदे सलाहकार नासिर असलम वानी ते गुलमर्ग थमां विधायक फारूक शाह होरें नमीं दिल्ली च 10में अंतरराष्ट्री सैलसफा सम्मेलन पुरस्कार यानि ITCTA कार्यक्रम 2025 च मुखमंत्री हुंदी थाहरै

पर ट्रेवल रतन अवार्ड हासल कीता। मुखमन्त्री उमर अब्दुल्ला होरें जम्मू-कश्मीर दे सैलसफा मैहकमे गी प्रदेश च सैलसफा गी बढ़ावा देने लेई कीते जा'रदे जत्तें लेई सराहना कीती ते इस मान्यता लेई बधाई बी दिती।

<><><><><><>

Health Min Aprons

सेहत मंत्री सकीना इत्तू हुंदे आसेआ जारी दिशा-निर्देशें मूजब सभनें डॉक्टरें ते नीम डॉक्टरी अमले लेई अपने-अपने अस्पतालें जा सेहत हदारें च ड्यूटी दरान चिट्टे रंग दा एप्पन पाई रखने ते अपने नां ते औहदे दी नेमप्लेट लाई रखना लाजमी करी दित्ता गेआ ऐ। हुकमै मूजब इस नियम तैहत राश्ट्री सेहत मिशन यानि एन.एच.एम ते आयुष दे डाक्टर बी औडन। सेहत इदारें दे अध्यक्षें ते मेडिकल सुप्रीटेंडेंट गी निर्देश दित्ता गेआ ऐ जे ओहू इस हुकमै दी सख्ती नै पालमा गी यकीनी बनान। एहू फैसला दस्सेआ जा'रदा ऐ जे हाल च किश सेहत इदारें च डॉक्टरें आसेआ वर्दी नेई लाई दी होने कारण मरीजें गी पेश औने आहलियें दिक्कतें गी ध्यानै च रखदे होई लैता गेआ ऐ। सकीना इत्तू होरें आखेआ।

<><><><><><>

CS-Surya Ghar

मुख सचिव अटल डुल्लू होरें जम्मू-कश्मीर च प्रधानमंत्री सूर्य घर मुफ्त बिजली योजना दी अमलावरी दी प्रगति दा जायजा लैने लेई इक बैठक दी प्रधानता कीती। इस बैठक च स्वच्छ उर्जा गी बढ़ावा देने ते घरें लेई बिजली दे खर्चे गी घट्ट करने दे मकसद कन्नै मुख योजना तैहत छतें पर सौर उर्जा लाए जाने बारै तफसीली विचार-विमर्श कीता गेआ। मौजूदा हासल प्रगति दा आंकलन करदे होई मुख सचिव होरें कम्में दी रफ्तार च तेजी आहनने दा आह्वान कीता। उनें गलाया जे पैहले थमां स्थापित इकाइयें गी सक्रिय करने च चिर इस योजना दे मकसद गी गै खत्म करी उड़दा ऐ।

<><><><><><>

ARTO-Reasi

श्री माता वैष्णो देवी, शिवखोड़ी ते श्री अमरनाथ जी दी पवित्तर गुफाएं च दर्शन करने आहले श्रद्धालुएं दी बदधी तदाद गी दिखदे होई ए.आर.टी.ओ रियासी नै उंदी जात्तरा गी सुविधाजनक बनाने लेई पुट्टी जा'रदी गैं गी होर तेज करी दित्ता ऐ। मुख-मुख थाहरें पर चानचक्क निरीक्षण कीता जा'रदा ऐ ते जात्तरा आहले रस्ते पर कई नाके बी लाए गेदे न तां जे जात्रुएं गी सुरक्षित ते उचित सेवां उपलब्ध करोआइयां जाई सकन। हाल च गै कीते गेदे निरीक्षणें दरान कई सवारी आहलि गड़ियें दे वैद्य आहले मीटर ते सरकार आसेआ तय किरायें वगैरा दी जांच कीती गेई।

<><><><><><>

BSF-Cycle Rally

सीमा सुरक्षा बल-बी.एस.एफ आसेआ खेलो इंडिया ते फिट इंडिया अभियानें तैहत जम्मू फ्रंटियर मुख्यालय पलोड़ा च इक साइकिल रैली दा सरिस्ता कीता गेआ जेदा मकसद नरोई सेहत, शारीरिक कसरत ते तंदरूस्ती दे महत्व गी उजागर करना हा। इस मौके अपने संबोधनै च डी.आई.जी संजय कुमार होरें सब्बनं अगगे अपील कीती जे ओहू इक नरोआ जी जीने लेई शारीरिक कसरत गी अपने रोजमर्रा दे जीवन दा हिस्सा बनान जेदे नै उंदा शरीर बी सेहतमंद बनोग ते मन, सोच ते विचारें च बी शुद्धता ते सकारात्मकता औग।

<><><><><><>